

Quatrigliu di i staghjoni

Soli di focu à Cilenti ,
Infiaratu hè lu Punenti
Sulioni è sciappittana
Pichja in ogni catagnu.

Vaghjimu apri la porta
La divizia in la sporta
Fà ch'hè ghjuntu San Martinu
Si rallegra lu mulinu.

**Staghjoni passa ,Staghjoni volta
U tempu sparghjì, u tempu rodi
Ghjornu avvicina Ghjornu alluntana
Cori si strigni, cori si spanna**

Limpa , saetti è tonu ,
Trema tuttu lu rughjonu ,
Fretu, tempu spavintosu
Ugnunu cerca l'ascosu.

Incù lu soli abbracciata ,
Bedda com'è una spusata,
Si pesa l'alba di Branu
Discetta lu mondu sanu.

**Staghjoni passa ,Staghjoni volta
U tempu sparghjì, u tempu rodi
Ghjornu avvicina Ghjornu alluntana
Cori si strigni, cori si spanna**